

INUIT ATAQATIGIIT

Inatsisartuni



Dato: 13.okt.2020

Inatsisartut suleriaasianni §37 imm.1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. 2013-imi Inatsisartuni uranimut piiangilluinnartussaanerup peerneqarnissaanni taasisitsinermit inatsisartuni ilaasortat tamarmik paasissutissanik naammattunik tunineqarsimappat?
2. Inatsisartuni ilaasortanut qanoq iliorluni paasititsiniaanerit ingerlanneqarsimappat?
3. Inatsisartunut ilaasortanut urani-mut tunngasumi 2013-ni nul tolerancep peerneqarnissaannut taaseqataasunut kikkut uranip qanoq peqqissutsimut avatangiisinullu sunniuteqartarnera kikkunnit paasititsiniutigineqarsimava?
4. Innuttaasunut urani aatsitassallu qaqtigoortut pillugit paasititsiniaanerit Kujataanni ingerlanneqarnikuusut Naalakkersuisuniit naammagisimaarneqarpat?
5. Innuttaasut pisinnaatitaaffiat naapertorlugu paasititsiniaanerit ilisimatuunit ilisimasaqavissunit tassalu ukiorpassuarni suliamik ingerlatsisimasunik peqqissutsimut uranip sunniutigisinnaasaanik ilisimatusavissimasunit paasititsiniaavigineqarnissaat innuttaasut pisinnaatitaaffiat naapertorlugu ingerlanneqarniarnerluni?
6. Kuannersuarni aatsitassarsiortoqalissappat mingutitsineq qanoq ittoq qanorlu annertutigissanersoq naalakkersuisunit naatsorsukannerneqarnikuunerpa? Uani eqqarsaatigisariaqarparput 1970-1980-ikkunni Risø-p piiasimanerani maannakkut Danskis nunaanni aningaasarpasuit atorlugit nakkutigineqarlutik inisisimanerat annertunerujussuannorlugu naatsorsortinneqarsinnaasimanersoq sanillersuunneqarsinnaallunilu maanakkut pisussamut.

(Inatsisartunut ilaasortaq Mariane Paviaasen, Inuit Ataqatigiit)

Tunngavilersuut:

Paaserusunnarpoq taamanikkut inatsisartunut ilaasortat naammattumik paasititsiniaavigineqareernerimikkut uranitalinnik piiangilluinnartussaanneq atorunnaarsisimaneraat massakkummi malunnarsimmat taamanikkut inatsisartuni qinikkatut issiasut

ullumikkut partiinut uranitalinnik aatsitassarsiornissamut naaggaartunut ilaasortaalersimasut ikinnerpaamik sisamat ilisimaneqalereermata.

Kujataanni aatsitassanut qaqutigoortunut uranimullu aatsitassarsiulernissamut tunngatillugu paasititsiniaasarnerit, namminersorlutik oqartussani atorfilinnit, aammalu Danskit nunaanni atorfilinnit maannamut ingerlanneqarnikuupput ilismavarpullu nunani taakkunani aatsitassanik qulaanni taariikkanni aatsitassarsiorfinnik maannakkut ingerlatsisoqanngitsoq, taamaammat ilisimasaat killeqartarluni

Apeqquterpassuit akineqaannartarput VVM rapportit takutinnagit apeqqutit akisinnaannagit aali ilisimaneqareersut tassaasut aatsitassat suut Kuannersuarni nassaasaanersut taakkulu nunarsuatsinni assigiinngitsuni piiarneqarlutik misilittagaqarfigineqareersut naak immikkoortitaartumik aatsitassat taakkunani nassaasaasartut Kuannersuarmi eqqarsaatigalugu aatsitassaqaassutsimigut assigineqanngilaq. Aammattaaq kingullermik paasititsiniaasoqarnerani februarip 18-19-iani 2019-mi pisumi paasititsiniaanerit amigaateqarluinnartuuneri oqaatigisariaqarmat.

Tassanimi Nunatta nakorsaanera annerusumik uranip peqqissutsimut sunniutigisinnaasaannik ilisimasaqarani apeqqutinullu akisinnaasaqarpallaarani peqataatinneqarnera malunnartorujussuulluni, assersuutigalugu allaat paasititsiniaanermi tassani oqarpoq Radon Narsami illoqarfinnut allanut sanilliullugu annertunerunngimmat ernumatissaqanngitsugut. Aammalu linki-itut ilanngussanni atuarneqarsinnaavoq paasititsiniaanermi Nunatta nakorsaanerata nerrivianiit apeqquteqartunut akissutit tunngavigalugit ingerlasimaneq atuarneqarneqarsinnaalluni.

Mingutitsinissat naatsorsukannersinnaasiarinarpoq piiaaneq Danskit nunaanniit ingerlanneqarnikuusooq aallavigikannerlugu.

<https://atomposten.blogspot.com/2019/02/lgens-bord-dialogmde-i-narsaqom.html>

Apeqquteqaatigisama suliffiit ullut qulit ingerlanerani akineqarnissaat kissaatigaara.